

御制詩二集

御製詩二集卷之七十八

古今體一百二十一首 戊寅四

孟夏時享

太廟

太室脩時享律惟中呂應

開基溯天造綿禋願雲仍禮樂

祈來假几筵

儼若憑覲

光誠有志明義究何曾

雩祭齋居

劉過

夏禘致追思即值虔齋

雩祭時敢恃霑膏優往歲益殷祈稔凜先期
座遷燕寢興居肅味徹腥辛淡泊宜蜀望誰
能不萌志雲生還切沐

恩滋

詠木根筆筒

天然嵌穴玲瓏中函石子不可離亦奇

物也

奇木函文石剗柔利永貞斲雕倅郢匠休沐
伴陶泓形寫孤峯秀用供斐几清珊瑚將翡
翠渺矣謝天成

題張宗蒼山水畫

一幅河陽行旅意精神盡入格真齊客情石
棧驢還怯人跡霜橋鷄早啼名利問誰能盡
除去聲端倪饒爾善全提呼之欲出猶然在垂
空何妨為補題

雩祭禮成敬述

昨歲南巡代祭儀弗躬近簡悚然思覘辰爰
舉

明禋典建戊還祈豐稊綏已慶千圻春雨足
更看六宇夏雲垂霑

恩敢數希

恩霈苗碩莫知念在茲

即事

膏雨今春信應期綠疇千頃潤含滋希當芒

種澤霑頴益慶麥秋香滿匙自解詎應例往
歲先憂仍復切斯時邇來朝暮生雲縷何事
終風作惡吹

時哉行

時哉時哉古胡為而亟去今胡為而亟來來
者不可駐去者不可迴百年三萬六千日在
呼吸間瞥眼纔貪夫徇財烈士徇名彼勝於
此渭濁涇清未可忘物漫云齊年惟予月將
日就君子夕惕朝乾豈無達語非法不言

難易辭

以小制大易黃腰啖虎心以大制小難雄獅
懼蝨侵以柔克剛易餘甘勝黃金以剛克柔
難齒壞舌惜惜以石投水易淺言旋復深以
水投石難白公空進箴以黑染白易墨子悲
不禁以白染黑難枉尺而直尋以已從人易
轉圜古所欽以人從已難凜乎朽索臨

擬古意

中庭一樹碧桃花東西飛落隣人家東隣阿

嬌貯金屋畫眉夫壻金張族退朝綺宴花拂
筵歡為簪花回曼睩西隣女兒獨含悲良人
遠戍無歸期誰謂含悲對花落花落紛寧如
淚垂可憐同是殘英辦一悲一歡不相見

方方壺雲山圖

金門羽士寫雲山員嶠方壺縹緲間本是三
生來往處挈舟期去不期還

詠玉熊

運睛善緣立吐舌欲舐澹本是翠微守莫言

紫褥驚珍惟荆客識祥叶太人占特達深資
處和丸績學潛

日日

日日輕輿尚乘供欲聊彳亍步竟無從善窺爾
固稱勤事七發中言惕動容

急雨

急雨隨風度飄飄勢未綿惜雖施欠足愁為
望求全已是夢臨夏徒觀柳窳烟西山雲又
吐今夜擬無眠

三五七言

敬

天命為君難明德親九族求賢任百官劭農
祈歲惟懷永旰食宵衣敢自安

文徵明溪亭客話即用其韻

絡石飛來瀑水長淅然清聽滿林塘劇談想
是羲皇上邠涉世間炎與涼

即事

暮春兩霑霖逢歡弗敢喜入夏纔過旬望澤

先愁矣族雲雖屢興陣雨常驟止長此再十日麥收仍半已乃知患失憂勝患不得幾弗喜未放心先愁致何以或此云未放即放而已耳

聞山西得雨

畿輔春雨霑三晉頗望澤慰近弗忘遠遙為愁惻惻彌月此亦旱待潤日如炙乃聞山右霈慰不勝憂劇苗而秀將實不雨則無麥常年詎宜例春恩殊可惜翹雲夜繼旦展轉以

反側

詣黑龍潭祈雨

麥收三月語虛談祈

澤仍滋叩碧潭每到有求

神亦倦

用蘇東坡語

惟誠斯格我猶慙民依自昔

相為重

天寵由來未敢貪切切陳衷引領望密雲嘉

霽

霈恩覃

陣雨

十四月二日

陣雨未踰寸炎風乃終朝益不抵所損怒焉
看穉苗麥竟如常年孰謂徵農謠禾黍亟待
澤顒望愁無聊調幕愧多乖何以酬民勞譬
如始與之終斬人則饒我以惕為政我仍籲
霈膏

雨六首

五月初三日夜

邇日作勢雲頻生風吹散之徂縱橫明知將
雨未雨際巡檐佇望難為情

佇望巡檐立欲倦
楞嚴有云瞪發勞飛廉聲
息豐隆作而何微冷侵衣袍

微冷有似雨意來更畏冷過雨勢迴氣機已
動懼復止憫農惕息良愁哉

細絲入夕纔飄墜時密時疎時復置隔花宮
漏乙夜傳欹枕反側誰能寐

不寐樓頭四鼓傳溜簷瀑響隔窓懸雨方定
矣疑未定所為祈求日久延

祈久憂深慰亦深敢云即慰虞放心曉將聽

政宵衣起

是日御達門理事

旦濛濛更作霖

初四夜復雨

作解微停晚復陰涼侵衾枕聽簷琴仍希仍
咎不知足即慰即虞或放心稍救麥秋京兆
奏敢忘雲漢決旬吟自思那有不憂日惟益
孜孜凜亦臨

端陽日侍

皇太后觀競渡

今歲龍舟罷已拌

天教甘霽助

慈歡庭榴戶艾迴生意桂棹牙檣續舊觀望
去油雲還淦淦落來絲雨正湯湯黃頭惕自
虞漸漬益善多多此未安

丁雲鵬東山圖

翠森紫邏鬱孱顏秀色臨安想像間風宇未
如文靖者優遊詎可學東山

詠玉人牧駝

漢王駝蓋炎劉時物也命玉工製人立

其旁儼如司牧狀

茂陵劉郎志吞胡匠肖胡產琢璵璣用誌弗

忘置座隅千年出土雙峯孤如聞鳴圖過塞

途金鈴續罽何湏渠配以司牧事例朱元朱德潤

考古圖載至治中趙伯昂得古璫玉馬姚牧

規製試問氏族奚答諸是人姓李非姓蘇云

詣黑龍潭謝雨

前旬望澤忙麥秀槁將黃幸得

天恩霈均知